

Allsherjar- og menntamálanefnd Alþingis
nefndasvid@althingi.is

Reykjavík, 19. október 2020

Efni: Umsögn um frumvarp til laga um breytingu á ýmsum lögum vegna heimsfaraldurs kórónuveiru (framlenging bráðabirgðaheimilda). 160. mál.

Allsherjar- og menntamálanefnd Alþingis hefur sent Ákærendafélagi Íslands til umsagnar frumvarp til laga um breytingu á ýmsum lögum vegna heimsfaraldurs kórónuveiru (framlenging bráðabirgðaheimilda).

Um er að ræða framlengingu á bráðabirgðaheimildum sem þegar hafa verið í gildi frá 28. apríl 2020 til 1. október 2020. Nokkur reynsla hefur gefist vegna bráðabirgðaheimildarinnar að því er varðar meðferð sakamála fyrir dómstólum. Sú reynsla sem þegar hefur gefist er að mati Ákærendafélags Íslands góð en aftur á móti hefur gengið treglega að nýta þessa heimild eins oft og ákærendur myndu kjósa sökum þess að dómstólana vantar viðeigandi tækjabúnað til að unnt sé að tryggja að skýrslutökur geti farið fram með fullnægjandi hætti í hljóði og mynd í gegnum fjarfundarbúnað. Sumir dómstólar hafa þó lagt sig fram við að bæta tækjabúnað sinn og er það reynsla ákærenda að í þeim tilvikum þar sem þetta hefur verið framkvæmt hafi það gefist vel og ef þessarar heimildar hefði ekki notið við væru þessi mál enn til meðferðar fyrir dómstólum.

Þá er rétt að benda á það að allur gangur virðist vera á því hvaða kröfur dómarar gera til skýrslugjafa. Í sumum tilvikum hefur skýrslugjafi hreinlega staðið úti á götu í heimabæ sínum en í öðrum tilvikum hafa dómarar verið strangir á því að skýrslugjafi sé á tilteknum stað og í einrúmi við skýrslugjöfina. Það væri e.t.v. rétt að lagaákvæðið eða greinargerðin gæfu einhverjar leiðbeiningar í þessum efnum.

F.h. Ákærendafélags Íslands

Dagmar Ösp Vésteinsdóttir, formaður

Nefndasvið Alþingis
v/ Allsherjar- og menntamálanefndar Alþingis
Austurstræti 8-10
101 Reykjavík

Reykjavík, 19. október 2020
Málsnúmer: DSS202010-0349

Efni: Frumvarp til laga um breytingu á ýmsum lögum vegna kórónuveirunnar

Dómstólasýslunni hefur borist til umsagnar frumvarp til laga um breytingu á ýmsum lögum vegna heimsfaraldurs kórónuveiru (framlenging bráðabirgðaheimilda), 160. mál.

Dómstólasýslan gerir ekki athugasemdir við frumvarpið og tekur undir þau sjónarmið sem fram koma í greinargerð um tilefni og nauðsyn lagasetningarinnar. Í ljósi aðstæðna vill dómstólasýslan árétta mikilvægi þess að frumvarpið hljóti skjóta þinglega meðferð.

Virðingarfyllst,
f.h. dómstólasýslunnar


Edda Laufey Laxdal, lögfræðingur



HÉRAÐSSAKSÓKNARI

Nefndasvið Alþingis

Reykjavík, 16. október 2020

Tilvísun: 202010-0736

Efni: Umsögn um frumvarp til laga um breytingar á ýmsum lögum vegna heimsfaraldurs kórónuveiru, 160. mál.

Embætti héraðssaksóknara telur umræddar breytingar á bráðabirgðaákvæði X í lögum um meðferð sakamála nr. 88/2008 mjög til bóta. Bráðabirgðaákvæðið nýttist mjög vel við rekstur sakamála fram til 1. október sl. en þó er áréttað að mikilvægt er að tækjabúnaður sé til staðar í dómsölum svo mögulegt sé að nýta heimildina.

Embætti héraðssaksóknara

Kolbrún Benediktsdóttir, varahéraðssaksóknari

